



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

4. Dies Januarii. Ordo est, quem si tenerimus in vitâ, perducet ad Deum, quem nisi tenerimus vita, non pervenimus ad Deum. Aug. I. I. de Ord. c.9.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

entum; post horam igitur? Vel hora nimis erat longa mora. Quando ergo? Audi loquentem, sequere præeuntem. (a) *Dixi: nunc capi.* Non differam in crastinum, non in sequentem horam, non ad momentum temporis; sed hoc loco, hoc momento; nullâ interpositâ temporis mora; denique non paulò post, incipiam, sed *nunc capi.* Tale sit & tuum decretum. Nunc cum est dies salutis, nunc cum favet tempus, quod est acceptabile, ætas quæ floret, valetudo quæ est integra, dum cælum promissum mihi in præmium: Hodie non incipiam, nec cras, sed jam *nunc capi.*

Per multum cras, cras, tandem dilabitur ætas.

4. DIES JANUARI.

Ordo est, quem si tenuerimus in vitâ, perducet ad Deum, quem nisi tenuerimus in vita, non perveniemus ad Deum. *Aug. l. i. de Ord. c. 9.*

In omni- I.
bus ser-
vandus
ordo.

Rerum principium, tenere in rerum successibus principatum, fuit hesternæ tesseræ argumentum. Sed ne in principio devies ab eo qui est principium, sit tibi princeps labor servare ordinem. Nec enim qui venisti à Deo, pervenies ad Deum, nisi beneficio ordinis. Ut hunc serves, quid sit ordo, observes. (b) *Ordo est dispositio plurimum, tribuens unicuique quod suum est.* Graviter necesse

(a) *Psal. 76. 11.* (b) *Gerson. T. 4. de fin. terminor.*

Januar.

Tessera.

9

neceſſe eſt tibi imponas, niſi gnaviter omnia ſuo ordine diſponas. Nec unquam eris tuus, niſi tribuas unicuique quod eſt ſuum. Servandum eſſe ordinem in omnib⁹, docent omnia. (a) *Ordo caeleſtia, & terreſtria continet. Ordo in iis quæ ratione intelliguntur, ordo in iis quæ ſenſu percipiuntur, ordo in Angelis, ordo in aſtrorum motu, magnitudine, mutua relatione, ſplendore. Ordo in anni partibus, & temporibus, aptè & diſtinctè tum progredientibus, tum recedentibus. Ordo in diei, ac noctis menſuris, & intervallis. Ordo in elementis, ex quibus corpora conſtant. Ordo calum in orbem duxit, aerem exporrexit, terram ſuppoſuit, humidam naturam fudit, atque in unum locum contraxit: ventos emiſit, aquas in nubibus aſtrinxit. Itaque in omnibus ſervavit ordinem Auctor ordinis. Unde rogatus Themiftius, quod eſſet proprium opus Dei? Scitè reſpondit: (b) *Omnia ex ſua confuſione, & perturbatione, ad ordinem ſuum revocare.**

II. Contra, ordinis defectus, eſt certus rerum interitus. De hoc idem Gregorius. (c) *Sine ordine, perturbatio, & confuſio, in aere tonitrua, in terra motus, in mari naufragium, in urbibus bella, in domibus diſſidia, in corporibus morbi, in animis peccata. Ruit ſine ordine Megalo-coſmus, & ſtabit ſine eo Micro-coſmus? Quid eſt homo ſine ordine, niſi corpus ſine capite? Non tam homo, quàm monſtrum hominis. Si ſit in vita tua rerum chaos, & confuſio, eris (d) *ſilius confuſionis.* Ordinis eſt vitium, ancillam dominari, dominam ancillari. Ut ergo ſit ordo, ſubſit corpus animo, animus Deo. Qui ambulat ſu-*

A 5

pra

(a) *Greg. Naz. Orat. 26.* (b) *Orat. 14. pag. 333.* (c) *Supra citat.* (d) *Proz. 10. 5.*

pra terram, noli te dimittere infra terram. Si tui investiges originem, illa te docebit ordinem. Rogatus unde sis? Cogaris cum Christo respondere, si verum velis fateri: (a) *Ego de supernis sum*. Quid ergo quaeris in terra deorsum, cum sit (b) *Deus in caelo sursum*? Qui es sublimi in caelum aspectu, noli esse declivi in solum affectu. Te perdes, nisi in te ordinem serves.

III. Serva ordinem in animi tui politia, qui servatur in Republica: ubi liberi parentibus, servi heris, clientes patronis, discipuli Magistris, indocti sapientibus, viles nobilibus, pauperes opulentis, plebei Magistratui, Magistratus Consuli, hic Principi se submitunt. Sine hoc ordine venustas Reipublicae perit, imò Respublica ipsa interit. Idem tibi meretur, si non disponantur omnia ordine. Habeat in hoc ordine quodlibet opus, suum tempus, & quodlibet tempus, suum opus. Hæc si inter se sint connexa, & hærentia, & instar catenæ suis annulis egregiè composita, musicam veluti quandam efficient resonantem, quæ suo decore tenebit omnium oculos, rapiet animos. Sine hoc ordine, erit in omnibus actionibus fluctuatio, in negotiis hallucinatio, in omnibus funesta confusio. Hoc malum si putes leve, fies tibi metipsum gravis: nam juxta vetus metrum:

Inordinatus animus, pœna sibi met est sua.

(a) *Ioan. 8. 23.* (b) *Deut. 4. 59.*

**